



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De daemonibus, qui visi sunt Moguntiae in superba veste feminae cap. 7.

urn:nbn:de:hbz:466:1-13177

transformans, ante eius ora refedit, quo viso territus, illicè surrexit & fugit, hora eadem dolos diaboli minus obseruans. Videntur mihi tres istæ visiones, cōtra tria vitia satis esse necessariæ; prima cōtra vitium gulositatis, secunda contra vitium vanitatis, tertia cōtra tædium orandi. Licet non videamus, diabolus sâpe per huiusmodi fantasmatum horrores, dulcedinem in nobis extinguit orationis. Hæc mihi dicta sunt a supra memorato Hermanno Abate, necnon & Waltero monacho de Birbec, qui illi familiares fuerunt. Reliqua eius acta & visiones audies in distinctione septima.

C A P V T VII.

REtulit mihi quidam ciuis honestus, afferens suis *Mulierē* temporibus Moguntiæ, si bene memini, hoc *ornatus* quod dicturus sum contigisse veraciter. Die *demones* quadam dominica, cùm sacerdos in ecclesia, cuius *gaudent*, erat plebanus, circuiri, & aqua benedicta populum aspergeret, ad ostium ecclesiæ veniens, matronā quādam pōpaticè venientem, & ad similitudinem pauonis, varijs ornamētis pictam obuiam habuit, in cuius cauda vestimentorum quam habebat post se longissimam, multitudinem dæmonum residere conspexit: erant enim parui vt glires, nigri vt æthiopes, ore cachiñantes, manib⁹ plaudentes, & sicut pisces intra sagenam conclusi saltates. Reuera ornatus muliebris, sagenta diaboli est. Quos vt vidi, dæmonum quadrigam foris expectare fecit; plebem aduocauit, dæmones ne fugerent adjurauit. Territa illa stetit, & vt visiones populus videre mereretur, quia vir bonus ac iustus fuit, orationibus obtinuit. Intelligens mulier ob vestimentorum superbiam sic se à dæmonibus esse derisam, domum sedij, vestimenta mutauit, & tam ipsi, quam cæteris fœminis, eadem visio occasio facta est humilitatis. A P O L L O N I V S: Si tot sunt dæmones qui nos miseros homines instigant ad culpam, puto quia multi erunt, qui consentientes trahent ad pœnam. CÆSARIYS: De hoc te magis instruam exemplis quam verbis.